

علوم اقتصادیه و اجتماعیه

مجموعه گار

هر آيت برنجي کوني نشر اولنور

مؤسسلي :

احمد شبيب ، رضا نونوري ، محمد جابري

مندرجات :

عوامل اجتماعيه : احمد شبيب — قابليت اجتماعيه : بديع
نوري . — حكومت و حريت حقنده سينسرك فلسفه سي : رضا
توفيقي . — زده تادييات : فائق زهت — فوق العاده بودجه :
احمد مختار . — فرانسه اختلال كبرى : احمد شبيب . —
نشریات و وقایع اقتصادیه : محمد جاوید . — بيك سكر يوزالتمش
ايكي منه سي استقراضك مقاوله نامه سي .

مدیر و صاحب امتیازی :

محمد جابري

امور اداره و تحريره : نور عثمانیه جواریده طين اداره خانه سي

نسخه سي : ۱۰ غروش

استانبول

باب عالی جاده سنده هلال - طبعه سي ، نومرد ۶۶

فرانسه انقلابی

۲

ملت طرفدن باستیك ضبط و هدم اولوندیغنی خبر ویرمك ایچین دوق دولار وشفوقو - لیاقور لوتی بی اویاندیردیغی زمان قراک : « فقط ... بوبر عصیان دیمکدر . » سوزینه قارشى دوق : « حشمتنامه ، عصیان دکل ، بوبر اختلالدر ... » جوابی ویرمشدی . حال بوکه حادثه اختلالدن دها وخیم ایدی . نفوذ و اقتدار حکمدارک آلندن چیقمش ولکن مجلسک آنهده کچمه مشدی . آرتق هر نوع قیوددن آزاده و حال تیج و غلیانده اولان طبقات عوامه انتقال ایتمشدی . فعلاً حکومت یوقدی . مبنای اجتماعی اساسندن ییقلته حال وحشته عودت ایدیلوردی . اوت بوبر اختلالده دکل بلکه بر انحلال ایدی .

اضطرابات عمومی ، تنگی معیشت عصیانک مسبییدر . قحط و غلا متکثر ، ضرورت عامه متزایدی . بو حال کیتدکجه کسب و خامت ایتمکله احتراصات جنت درجه سنه کلشن و بوتون حرکت اختلالیه یا کلشن بر دوره اختلاجه کیرمشدیر . کاملاً دولش برنهر جریان ایدرکن کوچوک برقبارمه طاشماسی ایچین کافیدر . اون سکزنجی عصرده کی سفالت ایشه بودرجه ده در . خلق اوجاع محرومیت ایچنده قیورانیوردی . آسایش عمومی هرکسک مطاوعتی ایاه وجوده کلیر . بومطاواعت ایسه اوزمان فرانسه ده ییوست و رطوبت ، برودت و حرارت درجه سنه مر بوطدی . ۱۷۸۸ سنه سی پک قوراق کیتمکله محصول پک فنا برحاله ایدی . فضله

اوله رق تام موسم حصاده مدهش برطولو دوشهرك اك منبت تارالاری
 محو ایتدی . کان قیش ایسه ۱۷۰۹ تاریخندنبری کورولن قیشلرك اك
 دهشتلیسی ایدی . تشرین ثانی نهایتنده سن نهری پارسدن هاوریه قدر
 انجماد ایتدی . میزان الحراره تحت الصفر ۱۸° . ایندی . زیتون
 اغاجلرینک ثانی محو اولدی و متباقیسی ده میوه ویره میه جک حاله کلدی . ۱۷۸۹
 بهارندن اعتباراً قیط بوتون فرانسه یه استیلا ایتشد . کیتدکجه قباران صوکی
 ماه بمه تزیاید ایدیوردی . حکومت بیهوده یره برچوق تداییر اتخاذ
 و ۴۰ میلیون صرف ایتدی . زادکان ، رهایین محتاجینه برچوق پاردر
 ویردیلر . لکن فقرا او قدر چوق احتیاجات اودرجه زیاده ایدی که
 نه دولت ونه ده افرادک معاوتی کفایت ایدیوردی . نورماندیاده قرق
 بیک عمله ایشسر قالمشدی . پارو واسلرك قسم اعظمنده سکنه نك ربی
 دینلئوردی . بوشانده فرانسه ده دولاشان آرتوریونع اکمک بهاسندن ،
 ضرورتدن باشقه برشی ایشتیور ، هله بعض یرلرده ملتك نصفی آچلقدن
 هلاک اولویوردی ! پارسده فقرانك مقداری اوچ مثلی تزیاید ایتدی .
 یالکز سن آنطوان محله سنده اوتوز بیک فقیر واردی ! فروشییدن
 اکمکی آلوب اوره کوتورمک بویوک بر موفقیتدی . یوله کیدرکن سزدن
 ده آج اولانلر ائیکزدن اکمکی جبراً آلیورلردی . حکام هرکسک
 آلابیله جکی اکمکک وزتنی ده تعیین ایتشاردی . قحط اودرجه ده ایدی که
 حکومت عسکری بسله مکدن عاجزدی . پارس صانکه مدید بر محاصره
 ایچنده قالمش کی آچلقدن فنا حاله مضطربدی . خلق بوتون اکمکی
 دکانلرینی قوشا تمشدی . توزیع ایدیلن اکمک متعفن ، سیاه ،
 آجی ، طاش کی برشی اولوب بوغاز التهاباتی ، باغرساق صانجیلرینی
 موجب اولویوردی . ایشته قابل اکل اولمایان بواکمکی آلا بیلک ایچین

زوالی ملت دکانلرک اوکنده ساعتلرله بکلوردی. آرتق ایشده یوقدی. فابریقلر بوم بوشدی. اکثریا عمله اقشامه قدر مؤلم برانتظاردن صوکره اللری بوش اقامتگاهنه کلوردی! بواشسز متیج آدملرک دماغلرنده برطاقم سیاه فکلرل مایه لنوب کو پورمکه باشلیوردی. واقعا اون دردنجی واون بشجی لویی زمانلرنده ده بلکه ده شدتلی قحطلر اولدی. لکن عصیانلر عمومی اولمادیقندن کمال شدت و سرعتله تشکیل ایدلمشدی. نتیجه ده کوبلی وعمله حکومت قارشی عجز وضعی مدھش بر صورتده آکلوردی. بر دیوار چوق یوکسک اولورسه اونک اوزرندن آشوب آتلامای کیمسه خاطرینه کتیرمز. فقط شیمدی دیوار چاتلیور؛ و بوتون بکچیلر، رهبان، زادگان، صنف متوسط، ادبا، سیاسیون حتی بالذات حکومت بیله کنیش بر دلیک آچق ایچین اوغراشیورلر. وبرنجی دفعه اوله رق بدبختان جمعیت بر منفذ مشاهده ایدهرک اورایه دوغرو طاقم طاقم صوکره هب بردن قوشیورلر. وقتیلہ توکل ورضا ناصل عمومی ایدیسه شیمدی ده آرتق عصیان عمومیدر.

بوچاتلاقدن امید بر ضیا کی نفوذ ایدهرک پیدرپی اک آشاغی طبقه قدر اینور. نصف عصر دنبری اشعه سی طبقه بالایی اوکوزل آپارتمانلرنده تنویر ایتدکدن صوکره اک قراکلق خزنلری بیله مهر حقیقت کی نورلاندیر پیوردی.

مابعدی وار

احمد شعیب